

ISSN 0206—1910

საქართველოს  
საქართველოს

4 . 1989

## ՓՈՔՐԻԿՆԵՐԻ ՓԱՅԼՈՒՆ ՆՎԱՋՈՒՄՆԵՐԸ

Մոսկվայում անցկացվեցին համամիութենական մրցումներ, որոնց մասնակցում էին 1975 թվականին և ավելի ուշ ծնված տղաներ և աղջիկներ:

Մրցումներում ելույթ էին ունենում 14 միութենական հանրապետությունների, Մոսկվայի և Լենինգրադի, ինչպես նաև Վիետնամի 112 շախմատիստներ:

Շվեյցարական մրցակարգով կազմակերպվել էր շորս մրցաշար (ըստ տարիքային խմբերի): Միաժամանակ, կատարվում էր նաև թիմային հաշվարկ:

1975—76 թթ. ծնված պատանիների մրցաշարում Հայաստանը ներկայացնում էին վարպետության թեկնածու Տ. Նալբանդյանը և առաջին կարգային Մ. Կարապետյանը (Արտաշատ): Տարիքային հաջորդ խմբի (1977—78 թթ.) մրցումներում ընդգրկված էին առաջին կարգայիններ Վ. Փիրումյանը, Տ. Պետրոսյանը, Վ. Ալեքսանյանը (վերջին երկուսը՝ հաշվարկից դուրս): 1979 թ. և ավելի ուշ ծնված տղաների մրցաշարում հանդես էին գալիս առաջին կարգայիններ Ա. Մատիկոզյանը և Կ. Ասրյանը:


1975—78 թթ. ծնված աղջիկների մրցումներում խաղում էին վարպետության թեկնածու Է. Դանիելյանը և առաջին կարգա-

յիններ Մ. Գրիգորյանն ու Ն. Մովսիսյանը (վերջինս՝ հաշվարկից դուրս):

Հայաստանի ներկայացուցիչները գերազանց հանդես եկան և նվաճեցին թիմային առաջնությունը: Մեր մարզիկներից մեկ միավորով ետ մնացին Վրաստանի պատանի շախմատիստները:

Ամենակրտսերների մրցումներում հաղթող դարձավ Անդրանիկ Մատիկոզյանը, որը յոթ հնարավորից վաստակեց 6,5 միավոր: Ահա թե նա ինչպես անցկացրեց վերջնախաղը հետևյալ պարտիայում:

Ա. ՄԱՏԻՈՉՅԱՆ—Ա. ՌԻՉԱԳՈՎ  
(Հայաստան) (Մոսկվա)



Խաղաախտակի մոտ են Մ. Սիտնիկը (Սոչի) և Կ. Ասրյանը:



Սերյոժա Մովսիսյանը ավարտված խաղը վերլուծում է մոսկվացի մրցավար Գ. Գասպարյանցի հետ:

39. d4!

Ոչ միայն 39...ed 40. Չ:d4 և 41. Չe6+ մտահղացմամբ, այլ առաջին հերթին Վ3 դաշտն ազատելով ձիու համար՝ b2-ի վտանգավոր զինվորը վերացնելու նպատակով:

39...Փf6 40. Չe1 ed 41. Չd3 g5 42. Ն:b2 Ն:b2 43. Չ:b2

Նավակները փոխանակվեցին, բայց ձիու գերազանցությունը փղի նկատմամբ այնքան ցայտուն է, որ պարտիան շարունակվեց ևս ընդամենը հինգ քայլ:

43...Աb6 44. Չc4+ Աc5 45. Աd3 հ5 46. Չa5! Աb4 47. Չb7 Փe7 48. e5!, սևերը հանձնվեցին:

Նույն խմբում մեր երկրորդ մասնակիցը՝ Կ. Ասրյանը, վաստակելով 5 միավոր, գրավեց երկրորդ տեղը:

Նույնքան հաջող հանդես եկան աղջիկները, հատկապես է. Գանիելյանը և Մ. Գրիգորյանը, որոնք ինը պարտիաներում վաստակեցին համապատասխանաբար 6 և 5,5 միավոր:

Համեմատաբար անհաջող խաղացին մեր հանրապետության՝ 1977—78 թթ. ծնված պատանիները: Բայց այս մրցաշարում էլ առաջին տեղը գրավեց հայ շախմատիստ թբիլիսցի Սերյոժա Մովսիսյանը (7 միավոր), որը ցուցադրեց հասուն, հետաքրքիր խաղ:

Առջնձնահատուկ հետաքրքրություն ա-

ռաջացրեց «ամենամեծերի»՝ 1975—76 թթ. ծնված պատանիների, մրցաշարը: Այստեղ վաստահորեն խաղաց Տ. Նալբանդյանը, որը 6,5 միավորով գրավեց երկրորդ տեղը, հաղթողից ետ մնալով կես միավորով:

Տիգրանը կրեց ընդամենը մեկ պարտություն՝ Վիետնամի ներկայացուցչից: Փոխարենը, վերջին երկու տուրներում նա հաղթեց մրցաբարձի առաջատարներին՝ Ա. Չվյազինցևին և Ա. Գելմանին:

Տ. ՆԱԼԲԱՆԴՅԱՆ—Ա. ԳԵԼՄԱՆ  
(Հայաստան) (Մոսկվա)

Թագուհու զինվորների սկզբնախաղ

1. d4 Չf6 2. Չf3 e6 3. Փg5 c5 4. Չbd2 Փe7 5. e3 b6 6. Փd3 Փb7 7. 0—0 0—0 8. c3 h6 9. Փh4 Չc6 10. Թe2 Նc8 11. h3 d6 12. Նad1 Թc7 13. Փg3 Նfd8 14. Նfe1 Թb8 15. Փb1 Թa8 16. Թd3 a5 17. Չe4 g6 18. Չ:f6+ Փ:f6 19. Չh2 Փg7 20. Փh4 Նd7 21. Չg4 Չe7 22. e4 g5 23. Փg3 cd 24. cd Չg6 25. Թf3 Աh8 26. Չf6 Նdd8 27. Չh5 f5 28. Թb3 f4 29. Փh2 Չf8 30. h4 Նe8 31. hg hg 32. Թh3 Աg8 33. Չ:g7 Ա:g7 34. Թh5 e5 35. de Ն:e5 36. Ն:d6 Փ:e4 37. Փ:f4 Նf5 38. Փ:e4 Նe8 39. Փ:a8 Ն:e1+ 40. Աh2, սևերը հանձնվեցին:

Ուզբեկստանը ներկայացնող հայ պատանու հետ խաղացած պարտիայում հետաքրքիր կոմբինացիա իրականացրեց Մ. Կարապետյանը: